

994.

1454 Juni 10

Einigung über das Erbe von Albrecht Platner.

fol. 184v Actum am montag in den phingstheiligen tagen sint vor eyn siczinden rath komen Kuncz Nailsmid von Wunsidil als der neste swertmage Albrecht Platners seligen gelaszen kindir uff eyne und Jorge Sleyffholcz von seyn und synir elichin wirtin weyn uff dy andir syten und haben bekanth und uszgesagit, wy es in der gutlichkeit von ir beiden frunden bereth und beteidingit sey umbe sulche gelaszine habe und gut in Albrecht Platners seligen munde vorstorben, also daz sich Jorge Slyffholcz, der gelaszin habe seyns vorffarn ^(a) 'nichtet uszgesloschen' undirczihen und den kindern vor ire gebure uszrichten sal 26 ½ β nuwir groschin vorgeslagener muncz ye 15 heller vor eyn groschen, wenne dy kindir czu irin mundigen tagen komen und dyweile er sulche habe ynne hat, ehir dy kindir czu irin mundigen jaren komen, sal er sy mit essen und tringken und cleidern vorsorgen, unbeschedingit irem beteidinginten gelde, ^(b) uszgesloschin, waz sy an bethgewande ankomen ist, daz haben sy gestalt uff ire naturliche mutir, dy gereth hat, dy kindir nach anzalt domit czu vorsehen. Vor sulche habe hat Jorge Sleyffholcz czu eynem phande eyngesaczt seyn wergkgecezeuge und andir syne farinde habe, ab er nicht bezalung tete den kindern, so sy czu irin mundigen jaren komen, daz sy sich sulchir schuld vor ydirmenlichen doran irholen sullen.

a-a) am linken Rand, Einfügestelle gekennzeichnet b) folgt durchgestrichen davor hat

995.

1454 Juli 10

Penschil bekennt eine Schuld und verpfündet seinen Garten.

fol. 185r Penschil hat bekanth, daz er redelichir schuld czu gelden schuldig sey Austin Cle 4 alde β gr. Davor hat er om czu eynem phande eyngesaczt den garten, vor Unserir Liben Frauenthore gelegen, da er uff wonet und der von dem goczhusz Unserir Liben Frauwen zu lehine rurrit, ab er om nicht bezalunge tete, daz er sich sulchir schuld vor ydirmenlichen doran irholen sal. Actum quarta feria post Kiliani anno domini etc. LIIII.

996.

1454 Juli 25

Vergleich der Familie Horelman über ein Geldgeschäft.

fol. 185r Actum in die Jacobi anno domini LIIII hat der rath czu wegfertigung Angnes, Horelmans tochter, Nickel, Jeronimus und Paul Horelman